

## Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

## Riedel, Adolph Friedrich Berlin, 1857

XVII. Notizen über die in der Pfarrkirche zu Alt-Landsberg enthaltenen Altäre und dazu gehörigen geistlichen Einkünfte, vom 20. September 1540.

Nutzungsbedingungen

urn:nbn:de:hbz:466:1-54734

von krumensehe oder Erbsessenn zu Lantzperg, die solchs einzubringenn sollen beholffenn fein: vnnd die von Buchholtz follenn fich vor allenn dingenn die holtzung ann denfelbenn ortternn zuhawenn oder zufhuren enthaltenn, dieweill jnen daselbst nicht meher dann allein die trifft vnnd hutweyde eingerewmet ist. Vnnd foll disser vortrag, wie obenn, zwisschenn denn von Lantzperg vnd Buchholtz fo lang bestheenn vnd krafft habenn, dieweyll das dorff Buchholtz bey denn von krumensehe oder Erbsessenn zu Landesperg ist vnnd bleibt; jm falle aber, so ettwenn das dorff Buchholtz von denn Erbsessenn zu Lantzperg vorkawsst, vorpeut oder jan frembde hende gebracht worde, Alfsdann foll folcher vortragk kein krafft meher habenn, vnnd foll jtzlichem teyll alfsdann an feiner gerechtigkait vnschedelich sein. Solchs, wie hir obenn, ist durch die Churfurstlichenn Rethe vnnd die obgnanttenn von krumensehe jnn der gutthe beredett, vorhandelt, gegonnet vnnd durch beyde teyll vorwilliget vnnd zugefaget, zuhaltenn getrewlich vnnd vngeferlich, der zu mehrer vrkundt disser Recess zweyne mit der Churfurstlichenn Retthe, auch des Raths zu Lantzperg vnnd Ebold von krumensehe von wegenn der von Buchholtz vorsigelt vnnd jtzlichem teyll eyner gegebenn. Gescheenn vnnd Gegebenn zu Lantzperg, freitags nach Concepcionis Marie. Nach Criftj gepurt Taufent funffhundert vnnd jm Neunvndzwentzigisten jar. Solchen vortrag vnnd recess, wie hir obenn von wort zu wort vormelt, wir becressigenn jnn crafft dits vnnsers briues, wollenn denn vonn allenn teyllenn krefftig vnnd vnuorbrochenn gehaltenn habenn. Des Zuurkundt habenn wir vnnser Anhangende jngesigell an dissenn briff hengen lassenn, der Gegebenn ist zu Colnn an der Sprew, am freitag nach Lucie, Cristj vnnsers hernn gepurt Tausent funff hundert vnnd jm Neunvndzwentzigisten jar.

Rach bem Originale.

XVII. Notizen über bie in ber Pfarrfirche zu Alt=Landsberg enthaltenen Altare und bagu gehörigen geiftlichen Einkunfte, vom 20. September 1540.

Alt Lantzbergk, Montags nach crucis, anno 40.

I Monstrantz, III kelch.

Hat einer der von krummensehe dem pfarrer seine IIII husen, geben Im jerlichen dauon II schock, wiewoll wen er sie selbst austhun mechte, worde er wol V schock dauon haben.

Cafpar krummensehe sol jerlichen von seiner husen schesselkorn geben, erhelt der pfarrer jerlich IX schessel roggken.

Item zu den . . . . . . . . gibt jerlichen Ebel krummenfehe I schock vnde alte hans krummenfehe I schock von etlichen husen, wollen auch nicht mer geben.

Die Commenda der Smede hat I kelch, zu belefen II schock XI gr. jerlichen zu geben.

Altare trium regum haben die von krummense zu verleihen; hat I eigen haus, bewonet itzo nachgelassen withsraw Jorgen von krummense; hat X schock vnd 1 Winspel roggen jerlich einzunhemen, dise X schock geben etliche der krummense leuthe — I Winspel rogken gibt der Moller vor den bernawischen thore, hest Merten pape, hat I wise, gehort zu den vorgenanten haus

Noch ein lehn des frumessen altar, Collator der Radt zu Lantzbergk, vacat, hat IIII husen geben jerlichen IIII schock, noch eine huse gibt IX scheffel roggen van den gabelhusen; hat Kabelholtz, hat II Wisen, hat in der Stadt I schock von IIII burger — item im dorf zu Lichtenbergk I Winspel rogken, sind jm abgebrochen IIII scheffel, hat noch II garten, gibt einer jerlichen IX gr., der ander XII gr.

Altare exulum, vacat, hat ein kelch, hat II hufen, geben jerlich XII scheffel rogken, VI scheffel hauer, hat I Wise, gibt XXXVI gr. Hievon gibt man dem pfarrer II scheffel scheffelkorn.

Rach ber Uridrift.

XVIII. Kurfürst Joachim bestätigt ber Stadt Alt = Landsberg bie Damm = und Deichsel-Zoll= Gerechtigkeit, am 9. September 1545.

Wir Joachim -, Bekennen -, das Vnsere liebe getreven Burgemeister und Rathmanne zu Alten Landsberg Vns fürbracht, Wie sie etwan von Vnsern Vorsarn Marggraven zu Brandenburgk mit dem Deichsel Pfennigk von den Durchreisenden zu sordern begnadet, und Ihnen dorüber Briefflich Vrkunden gegeben, welche Brieff und Urkund Ihnen doch jtzo vor Acht Jahre ungefährlich durch Brand Beschedigung von abhenden kommen und zernichtiget worden, Vns derwegen anrufflich und unterthäniglich gebeten, Ihne folch Ire erlangte Erlaubung, Begnadung und Zulafsung gnädiglich wiederumb zu ernewen, vfzurichten und zu bestettigen. Des haben wir angesehen, auch unserer Vorsahren zulassung zu gemüt gesühret, und weil ermeldter Rath solcher Forderung noch in täglichen Brauch feyn, Sie von Newem mit folchem Deichfelpfennigk Begnadet und Vnferer Vorfahren Zulassung bestetigt, Also dass sie von allen Durch Reisenden Anlendischen auch den Inlendifchen Furleuten, so nicht privilegiret oder gefreihet sein, Von Vier Wagen Pferden zween Pfennige, von zween Pferden einen Pfennig, jederzeit inmaßen sie hieuor gethan, fordern und nehmen mögen, Erneuren, zulaßen und bestättigen Ihnen und Iren Nachkommen für und für solch Begnadung und forderung des Deichfel Pfennigks, wie obsteet, In Krafft und Macht des Brieffs, dass sie und Ire nachkommen fich defselben für und für, wie hieuor bescheen, und nicht weiter brauchen mögen, on alles geuerdt etc. Zu Urkund mit unfern anhengenden Infiegel Besiegelt und Geben zu-Cöln an der Spree, Mitwochs nach Nativitatis Marie, Christi Geburth Tausend funshundert und im funf und Viertzigsten Jahre.

> Johann Weinleb, Cantzler.

Aus bem Grund : und Lagerbuche ber Stadt Alt-Landsberg.